



Reykjavíkurborg
Skóla- og frístundasvið

LESMÁL

NIÐURSTÖÐUR Í 2.BEKK Í
GRUNNSKÓLUM REYKJAVÍKUR
VORIÐ 2025



Ásgeir Björgvinsson
Dröfn Rafnsdóttir
Sigrún Jónína Baldursdóttir
Júní 2025

INNGANGUR

TÆKI

Lesmál er próf sem kom út árið 2017 og metur lestur, lesskilning og réttritun hjá nemendum í 2. bekk íslenskra grunnskóla. Prófið var fyrst hannað af Rósu Eggertsdóttur árið 2006. Rósa fékk síðar Sigurgrím Skúlason, próffræðing, með sér í lið og saman unnu þau að endurgerð prófsins með ítarlegum forprófunum og að lokum stöðlun (Sigurgrímur Skúlason, 2017).

Markmiðið með Lesmáli er ekki einungis að meta nemendur heldur einnig að prófið sé þægilegt og aðgengilegt fyrir kennara. Prófið veitir kennurum góðar upplýsingar um nemendur sína og greinir þokkalega í hverju vandi nemenda liggur. Prófið metur fjóra þætti lesturs eins og umskráningu og lesskilning ásamt því að meta færni í réttritun og leshraða (lesfimi). Prófið skiptist í átta undirþætti sem meta eftirfarandi:

1. Umskráningu
2. Lestur og lesskilning
3. Lestur og viðbragðssvörun
4. Lestur og lesskilning
5. Hraðlestur og lesskilning
6. Hlustun og réttritun
7. Hlustun og réttritun
8. Orðabil

Undirþættirnir mynda eftirfarandi fjóra yfirþætti:

1. *Umskráningu* (undirþáttur 1)
2. *Lesskilning* (undirþættir 2-4)
3. *Hraðlestur* (undirþáttur 5)
4. *Réttritun* (undirþættir 6-8)

Prófið tekur á ólíkum hliðum lestrar jafnframt því að vera stutt og einfalt í notkun. Vegna þess hversu víðtækt prófið er gefur það góða mynd af stöðu nemandans og auðveldar kennara að veita viðeigandi kennslu (Sigurgrímur Skúlason, 2017).

Fylgigögn með Lesmáli eru meðal annars formáli og próffræðilegir eiginleikar þess. Þar kemur fram hvernig staðið var að gagnasöfnun, meðal annars á hverju Lesmál byggir og hvernig staðið var að forprófunum (Sigurgrímur Skúlason, 2017). Aðferðunum sem lýst eru við stöðlun og að meta próffræðilega eiginleika mælitækisins, er algjörlega í takt við það sem sérfræðingar hafa lagt til (sjá t.d. Gerdler, 1997, Einar Guðmundsson, 1999; Sigurgrímur Skúlason, 2005; Einar Guðmundsson 2006). Stöðlunarúrtak Lesmáls voru 470 nemendur, dreift skipulagt yfir landið miðað við hlutföll frá Hagstofu. Það að prófið sé staðlað fyrir íslenskt þýði gerir það að verkum að svör nemenda eða hvernig þeim gengur á prófinu er ekki háð búsetu þeirra (Sigurgrímur Skúlason, 2017; Einar Guðmundsson, 2006).


Þá er áreiðanleiki Lesmáls, bæði áreiðanleiki innra samræmis og endurprófunar áreiðanleiki, slíkir að það telst réttmætt að nota Lesmál til leiðsagnar við kennslu nemenda (Sigurgrímur Skúlason, 2017).

Hver prófpáttur Lesmáls samanstendur af ákveðnum fjölda atriða en samtals telja þættirnir 54 atriði. Í samráði við sérfræðinga sem áður hafa unnið með Lesmál hefur starfsfólk á skrifstofu skóla- og frístundasviðs það að viðmiði að nemandi sem getur leyst 61-100% atriðanna sé með aldurssvarandi færni í lestri. Það eru 33 atriði af þeim 54 sem prófið metur. Geti nemandi leyst á bilinu 31-60% af prófinu, sem eru á bilinu 17-32 atriði, telst nemandinn ekki vera með aldurssvarandi færni í lestri og því þurfa á tímabundnum sérstökum stuðningi að halda í lestri. Nái nemandi 0-30% árangri í Lesmáli, þ.e. getur leyst 0-16 atriði á prófinu, telst hann þurfa einstaklingsáætlun þar sem fram kemur skipulagt vinnulag byggt á gagnreyndum aðferðum sem fylgt er eftir þar til nemandinn hefur sýnt árangur.

ÞÁTTTAKA

Prófið var lagt fyrir í apríl 2025 og tóku allir 32 almennu grunnskólarnir með 2. bekk þátt. Þar að auki tóku 3 af 5 sjálfstætt starfandi skólum með 2. bekk, þátt í prófinu. Heildarfjöldi skólanna sem þátt tók var því 35 af 37 skólum í Reykjavík.

Samtals tóku 1.269 nemendur þátt í Lesmáli sem jafngildir 90% af 2. bekkingum í öllum almennum og sjálfstætt reknum grunnskólum Reykjavíkur vorið 2025. Hlutfallið er það sama og árið 2024 og hærra en á árunum 2021-2023. Í þeim skólum sem sendu inn niðurstöður þreyttu um 91% nemenda prófið, það er líka sama hlutfall og árið 2024.



FRAMKVÆMD

Lesmál var lagt fyrir nemendur á skólatíma í apríl. Deildarstjórar sérkennslu voru beðnir um að hafa umsjón með framkvæmd prófsins og að koma gögnum til úrvinnslu á skóla- og frístundasvið sem fyrst eftir fyrirlögn og eigi síðar en um miðjan maí. Umsjónarkennarar hvers bekkjar sáu um fyrirlögn og skráningu á sérstakt eyðublað.


ÚRVINNSLA

Í þessari heildarskýrslu er gerð grein fyrir niðurstöðum fyrir borgina í heild en einnig í hverjum skóla fyrir sig, á hverju þjónustusvæði skóla- og frístundasviðs og á milli kynja. Hver skóli fær sína skýrslu þar sem fjallað er sérstaklega um niðurstöður viðkomandi skóla og þær bornar saman við borgina alla.

NIÐURSTÖÐUR

Meginniðurstöður Lesmáls vorið 2025 hjá þeim sem þátt tóku í skimuninni, má sjá á mynd A. Af 1.269 nemendum eru 859 eða tæp 68% sem ná a.m.k. 61% árangri á prófinu. Þessir nemendur teljast því vera með aldurssvarandi færni í lestri. Hópurinn sem nær árangri á bilinu 31-60% telur 322 nemanda sem gerir rúm 25% þátttakenda. Þeir þurfa á tímabundnum sérstökum stuðningi að halda í lestri. Þá eru 88 nemendur eða tæp 7% sem ná 0-30% árangri. Þessi hópur þarf einstaklingsáætlun þar sem fram kemur skipulagt vinnulag byggt á gagnreyndum aðferðum sem fylgt er eftir, þar til nemandinn hefur sýnt árangur. Vorið 2024 voru 65% þátttakenda með aldurssvarandi færni í lestri sem þýðir að hlutfallið er þremur prósentustigum hærra í ár en þá. Niðurstöður áráanna 2021-2025 má sjá á mynd A en hafa verður í huga að þátttakan árin 2025 og 2024 er meiri en árin 2021-2023.


Mynd A. Dreifing nem. í mism. þrep eftir árangri í Lesmáli árin 2021-2025.



Á mynd B má sjá nánari greiningu á þeim árangri sem sjá má á mynd A fyrir árið 2025. Tölurnar hægra megin við súlurnar segja til um hlutfall nemenda með tiltekinn árangur.

Efstu fjórar súlurnar sem eru sægrænar, sýna hópa eftir árangri sem er yfir 61% viðmiðinu, gráu súlurnar þrjár sýna hópa sem ná 31-60% árangri og neðstu súlurnar tvær sem eru appelsínugular, sýna hópa sem ná 0-30% árangri. Á myndinni sést að um 16% nemendahópsins hafa náð mjög góðu valdi á lestri í 2. bekk, þ.e. ná 91-100% árangri. Þessi hópur taldi 17% árið 2024. Um 4% nemenda nær árangri á bilinu 0-20% en sá hópur taldi tæp 3% árið 2024.

Mynd B. Dreifing nem. í Reykjavík í 9 þrep eftir árangri árið 2025




Í töflu 1 má sjá hlutfall nemenda í Reykjavík eftir því hvort þeir ná árangri sem annað hvort jafngildir því að þeir glími *ekki við veikleika* í viðkomandi prófpætti Lesmáls eða hvort árangurinn bendi til *hugsanlegs veikleika*. Þar sést að 80% nemenda eru með árangur sem bendir til þess að þeir glími *ekki við veikleika* í *Umskráningu* en í *lesskilningi* er samskonar hlutfall lægst af prófpáttunum fjórum eða 67%. Árangurinn núna er betri í *lesskilningi* og *hraðlestri* en árið 2024, sá sami í *réttritun* en síðri í *umskráningu*.

Tafla 1. Hlutfall nemenda í Rvk með hæsta hlutfall sem annarsvegar *ekki veikleika* og hins vegar *hugsanlegan veikleika*.

		Umskráning	Lesskilningur	Hraðlestur	Réttritun
Reykjavík	Ekki veikleiki	80%	67%	74%	71%
	Hugsanlegur veikleiki	20%	15%	19%	18%


Mynd C sýnir niðurstöður hvers skóla fyrir sig í Lesmáli. Hér er nemendum skipt upp í sömu hópa og á mynd A. Hér er mikilvægt að hafa í huga að skólarnir eru misstórir, í þeim skóla þar sem fæstir nemendur tóku þátt í prófinu voru þeir 8 en 59 í þeim skóla þar sem flestir tóku þátt.

Mynd C. Dreifing nemenda eftir árangri og skólum árið 2025.




Séu samskonar hlutföll skoðuð eftir miðstöðvum Reykjavíkurborgar sést að Norður er sá borgarhluti þar sem hlutfallslega flestir hafa aldurssvarandi hæfni í lestri árið 2025. Austur er hinsvegar sá borgarhluti þar sem færstir þurfa einstaklingsáætlanir í lestri. Niðurstöðurnar má sjá á mynd D¹.

Mynd D. Dreifing nemenda eftir árangri og miðstöðvum árið 2025.



Hlutfall stúlkna með aldurssvarandi færni í lestri er um 73% árið 2025 en hjá drengjunum er hlutfallið um 63%. Um 5% stúlkna þurfa samkvæmt skimuninni einstaklingsbundna námsáætlun en 8% drengja. Þetta er mjög svipaðar niðurstöður og undanfarin ár. Þetta má sjá á mynd E.

Mynd E. Dreifing nemenda eftir árangri og kyni árið 2025



¹ Sjálfstætt reknu skólarnir eru ekki á myndinni en nemendur þar koma venjulega úr mörgum borgarhlutum.

SAMANTEKT

Lesmál 2025 var lagt fyrir í apríl og sendu 35 skólar af 37 með 2. bekk niðurstöður til skóla- og frístundasviðs. Hlutfall nemenda sem þreyttu prófið af öllum nemendum í 2. bekk í almennu – og sjálfstætt reknu skólunum, er um 90% og það sama og árið 2024 og hærra en á árunum 2021-2023. Í þeim skólum sem sendu inn niðurstöður þreyttu um 91% nemenda prófið, það er líka sama hlutfall og árið 2024.

Meginniðurstaðan er sú að tæp 68% þátttakenda ná a.m.k. 61% árangri á prófinu og búa því yfir aldurssvarandi hæfni í lestri.

Hópurinn sem nær árangri á bilinu 31-60% telur rúm 25% þátttakenda. Þá eru tæp 7% sem ná 0-30% árangri en þessi hópur þarf einstaklingsáætlun þar sem fram kemur skipulagt vinnulag byggt á gagnreyndum aðferðum sem fylgt er eftir þar til nemendurnir hafa sýnt árangur.

Um 16% nemenda nær 91-100% árangri í prófinu og telst þessi hópur hafa náð mjög góðum tókum á lestrinum.

Prófið var lagt fyrir í apríl 2025 og tóku allir 32 almennu grunnskólarnir með 2. bekk þátt. Þar að auki tóku 3 af 5 sjálfstætt starfandi skólum með 2. bekk, þátt í prófinu. Heildarfjöldi skólanna sem þátt tók var því 35 af 37 skólum í Reykjavík.

NÝTING NIÐURSTAÐNA

Miðju máls og læsis (MML) býður upp á ráðgjöf til þeirra skóla sem þurfa sérstakan stuðning, þ.e. þar sem fjöldi nemenda sem nær aldursvarandi hæfni í lestri er undir 60%. Ráðgjafar MML boða læsisteymi þeirra skóla til fundar ásamt fulltrúum í viðkomandi miðstöð, þar sem farið verður yfir niðurstöður. Út frá þörfum hvers skóla útbýr læsisteymi skólans aðgerðaráætlun m.a. með fræðslu og ráðgjöf frá MML eða öðrum lausnum.

Læsisteymi þeirra skóla sem skara fram úr í prófinu verða einnig boðuð á fund með MML og fulltrúum allra miðstöðva þar sem farið verður yfir vinnubrögð og kennsluhætti læsiskennslu. Það eru skólar þar sem fjöldi nemenda sem nær aldursvarandi hæfni í lestri er 80% eða yfir. Í framhaldi af því verður kynning á þeirra verkefnum fyrir aðra skóla. Markmiðið er að læra af þeim sem gengur betur.

Ráðgjafar MML, í samstarfi við miðstöðvarnar, skoða stöðu leikskóla í þeim skólahverfum þar sem niðurstaða Lesmáls er slök en einnig þar sem niðurstaðan er góð. Boðað verður til fundar læsisteyma þeirra leikskóla og MML. Þar verður vinnuskipulag læsis og vinna með eflingu málþroskans rýnd.

Horft verður til hóps fjöltyngdra barna í þeim skólum sem koma slakir út úr prófinu. Þeim skólum verður boðinn sérstakur stuðningur frá MML.

Ofangreind vinna verður tekin saman í skýrslu í lok skólaárs.

HEIMILDASKRÁ

Einar Guðmundsson (1999). *Skimun*. Reykjavík: Rit Röð uppeldis og menntunar.

Einar Guðmundsson (2006). Þýðing og staðfærsla sálfræðilegra prófa. *Sálfræðiritið – Tímarit Sálfræðingafélags Íslands*, 10-11, 23-40.

Gredler, G. R. (1997). Issues in early childhood screening and assessment. *Psychology in the Schools*, 34, 99-106.

Sigurgrímur Skúlason (2005). Hvernig mæla á hugsmíðar með erlendum mælitækjum: Þýðing og staðfærsla á spurningalistum og prófum. *Tímarit um menntarannsóknir*, 2, 69-81.

Sigurgrímur Skúlason. (2017). *Lesmál: Mat á lestri og réttitun – Próffræðilegir eiginleikar*. Reykjavík: Menntamálastofnun.